

*Anuncio modificación da ordenanza de prezos públicos polo servizo da piscina cuberta climatizada municipal do concello de Moaña.*

Elevado a definitivo por non terse presentado reclamacións no período de exposición pública, o acordo adoptado polo Pleno da Corporación en sesión ordinaria que tivo lugar o día 26 de marzo de 2010, polo que se aprobaba inicialmente a modificación da ordenanza de prezos públicos polo servizo da piscina cuberta climatizada municipal do Concello de Moaña, de conformidade co artigo 70.2 da Lei 7/1985, de 2 de abril, reguladora das bases do réxime local, e do artigo 196.2 do ROF (RD 2568/1986), publícase o texto íntegro da Ordenanza cas modificacións introducidas, para que, transcorrido o prazo de 15 días a partir do seguinte ao da súa publicación, entre en vigor:

**ORDENANZA DE PREZOS PÚBLICOS POLO SERVIZO DA PISCINA CUBERTA CLIMATIZADA MUNICIPAL DO CONCELLO DE MOAÑA**

**ARTIGO 1.—FUNDAMENTO E NATUREZA**

De conformidade co previsto no artigo 41 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, e demais normativa concordante de aplicación, este Concello establece os prezos públicos pola prestación de servizos da piscina municipal así como das instalacións anexas.

**ARTIGO 2.—CONCEPTO**

O prezo público regulado nesta ordenanza constitúe unha prestación patrimonial de carácter público que se satisfará polos/as usuarios/as que voluntariamente soliciten ou utilicen os servizos da piscina municipal así como das instalacións anexas.

**ARTIGO 3.—OBRIGADOS AO PAGO**

Estarán obrigados ao pagamento do prezo público regulado nesta ordenanza os que soliciten ou utilicen os servizos prestados pola piscina municipal de Moaña así como das instalacións anexas á mesma.

**ARTIGO 4.—TARIFAS**

O prezo público que se debe pagar polo disfrute dos servizos da Piscina Municipal axustarase as seguintes tarifas:

**EPÍGRAFE 1ª.—ABONAMENTO MENSUAL**

Individual	24,49 €
Familiar (2 membros)	27,27 €
Familiar (3 membros)	34,85 €
Familiar (4 membros ou máis)	41,41 €
Reducido (xubilados e discapacitados)	20,85 €
Reducido (baixos ingresos)	16,66 €
Abono individual verán	35,00 €
Cota de mantemento	10,10 €

**EPÍGRAFE 2ª.—MATRÍCULAS:**

Individual	30,30 €
Cursillista non abonado	20,20 €
Familiar	45,45 €
Reducido	25,58 €
Reducido ingresos	25,58 €

**EPÍGRAFE 3ª.—CURSOS:**

Bebés (2 días á semana, 30 minutos)	21,49 €
Premamá (2 días á semana, 30 minutos)	21,49 €
Iniciación (2 días á semana, 30 minutos)	20,20 €
Perfeccionamento (2 días á semana, 30 minutos)	20,20 €
Curso intensivo de verán (10 sesións de 45 min.)	29,00 €
Aquagim (2 días á semana, 45 minutos)	21,49 €
Natación escolar (2 días á semana, 45 minutos)	10,10 €
BIKE INDOOR (1 día á semana, 45 minutos)	9,09 €

**EPÍGRAFE 4ª.—ACCESOS LIBRES:**

Individual	3,79 €
Reducido	2,33 €

Os abonos mensuais darán acceso ao ximnasio e ao uso libre da piscina, durante todos os días da semana, durante dúas horas. Os cursos para bebés, premamá e postparto terán unha duración de 30 minutos. O resto de cursos durarán unha hora. En todos os casos trataranse de cursos de dous días semanais. Os bebés poderán acceder aos cursos a partir dos seis meses e ata os 3 anos. O acceso libre permitirá utilizar tanto a piscina como o ximnasio durante sesenta minutos.

**ARTIGO 5ª.—NORMAS DE XESTIÓN**

- A inscrición para participar nas actividades regulares da piscina municipal así como das instalacións anexas, realizarase na propia piscina municipal.  
Aceptada a inscrición, entregarase a cada usuario/a un carné que o acredite como tal.
- Os interesados, no momento de iniciar a prestación dos servizos, procederán ao pago do correspondente prezo público, de conformidade co disposto no Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, que admite o depósito previo.
- O aboamento das tarifas correspondentes realizaranse na propia piscina municipal, previa presentación do carné de usuario, entregándose un documento acreditativo do pago

debidamente dilixenciado, que deberá ser conservado e exhibido para disfrutar das actividades.

- d. Cando por causas non imputables ao obrigado ao pago do prezo público, o servizo ou actividade non se preste ou desenvolva, procederase á devolución do importe correspondente.
- e. As débedas por prezos públicos poderán esixirse polo procedemento administrativo de apremio.
- f. Para poder disfrutar da tarifa reducida recollida no artigo anterior, o usuario deberá atoparse nun dos seguintes casos e posuír a documentación a continuación esixida:
- I. Maiores de 65 anos. Para disfrutar da tarifa reducida deberá constar no carné de usuario/a a circunstancia aducida. O/a usuario/a deberá acreditar ao realizar a inscrición a súa idade mediante a presentación de fotocopia autenticada do seu DNI.
- II. Menores de 18 anos. Para disfrutar da tarifa reducida deberá constar no carné de usuario/a a circunstancia aducida. O/a usuario/a deberá acreditar ao realizar a inscrición a súa idade mediante a presentación de fotocopia autenticada do seu DNI.
- III. Colectivos con baixo nivel de renda. Para disfrutar da tarifa reducida deberá constar no carné de usuario/a a circunstancia aducida. O/a usuario/a deberá acreditar que a totalidades dos ingresos familiares proveñen da RISGA ou outro réxime de protección pública análogo mediante copia autenticada da resolución de concesión en vigor e informe dos Servizos Sociais do Concello.
- g. Cota de mantemento: Os usuarios/as poderán acollerse a esta cota especial durante un mes cada ano natural, sen que poida acumularse. Deberá ser solicitada expresamente polo usuario/a interesado/a, sinalando o período en que desexa utilizala cunha antelación mínima de un mes. Durante a súa vixencia os beneficiarios/as non poderán facer uso das instalacións. As tarifas reducidas non son acumulables, debendo o/a usuario/a acollerse á máis beneficiosa.

#### DISPOSICIÓN DERROGATORIA

Á entrada en vigor desta ordenanza queda derogada a anterior, aprobada definitivamente polo Pleno da Corporación o 21 de outubro de 2009 e publicada no B.O.P. o 30 de outubro de 2009, así como todas as normas municipais de inferior ou igual rango que a contratigan.

#### DISPOSICIÓN FINAL

A presente ordenanza entrará en vigor aos quince días a contar desde o seguinte da súa publicación no Boletín Oficial da Provincia (BOP) e manterá a vixencia ata a súa modificación ou derrogación expresa ou tácita.

Moaña, a 2 de xuño de 2010.—O Alcalde, Xosé Manuel Millán Otero. **2010006530**

\* \* \*

### MONDARIZ BALNEARIO

#### A N U N C I O

O Pleno do Concello de Mondariz Balneario, en sesión realizada o día 24 de xuño de 2010, acordou a modificación da ordenanza reguladora do prezo público pola prestación do servizo de axuda no fogar.

En cumprimento do disposto nos artigos 49 e 70.2 da Lei 7/1985, de 2 de abril, Reguladora das Bases do Réxime Local, e o artigo 56 do Real Decreto Lexislativo 781/1986, de 18 de abril, polo que se aproba o Texto Refundido das disposicións legais vixentes en materia de réxime local, sométese o expediente a información pública polo prazo de trinta días a contar desde o día seguinte á inserción deste anuncio no Boletín Oficial da Provincia, para que os interesados poidan examinar o expediente e presentar as reclamacións que estimen oportunas.

Se transcorrido devandito prazo non se presentaron reclamacións, considerárase aprobada definitivamente a modificación da ordenanza referida.

Mondariz Balneario, 28 de xuño de 2010.—O Alcalde, José Antonio Lorenzo Rodríguez. **2010007506**

#### A N U N C I O

Aprobada inicialmente a modificación da ordenanza reguladora do servizo de axuda no fogar do Concello de Mondariz Balneario, por acordo do Pleno adoptado na sesión do día 24 de xuño de 2010, ábrese un período de información pública por prazo de 30 días, contados a partir do seguinte o da inserción deste anuncio no Boletín Oficial da Provincia, para que calquera persoa física ou xurídica poida examinar o expediente na Secretaría do Concello e facer as reclamacións e suxestións que estimen pertinentes.

Mondariz Balneario, 18 de xuño de 2010.—O Alcalde, José Antonio Lorenzo Rodríguez. **2010007507**